

• hoc contractu comprehensorum. Et in dictis civitatibus et distri-
 • ctibus eorum possint dicti domini Albertus et Mastinus donari,
 • dicere et facere ad beneplacitum et dispositionem suam, salvis
 • premissis. Civitas quoque Lucana remaneat cum suo comitatu in
 • manibus et fortiam dictorum dominorum Alberti et Mastini sicut
 • nunc est. Salvis locis, castris, et terris Pexie, Buggiani, Collis et
 • Altipassus, que dari et dimitti debent comuni Florentie, prout
 • superius est notatum. Et salvis aliis locis et castris comitatus et
 • districtus Lucani, que comune Florentie tenebat ante guerram
 • presentem vel nunc tenent, que ipsi comuni Florentie debeant
 • remanere.

• Item quod excellentes principes dominus Karolus Regis Boe-
 • mie primogenitus et dominus Iohannes Dux Karinthie frater ejus,
 • qui fuerunt in liga et unione cum dictis comunibus Venetiarum
 • et Florentie, includantur et inserantur, et pro inclusis et insertis
 • habeantur et sint in pace et concordia supradicta cum civitatibus
 • Feltri et Belluni, et cum omnibus castris, locis, terris et homini-
 • bus suis et gaudeant et gaudere debeant beneficio dicte pacis et
 • concordie et securitate ejusdem. Et quod contra eos vel contra
 • statum eorum seu civitatum, terrarum, castrorum, locorum et
 • hominum suorum aut alicujus eorum dicti domini Albertus et
 • Mastinus per se vel alios non inferant nec attentent novitatem,
 • guerram, detrimentum vel consilium exhibeant, ullo modo vel
 • ingenio. Promittentibus et observantibus e converso ac simili
 • modo dictis dominis Karolo et Johanne, seu syndicis et procura-
 • toribus eorundem et pro ipsis et dictis civitatibus, terris, castris,
 • locis et hominibus suis, erga dictos dominos de la Scala, et terras
 • eorum, cum stipulationibus hinc inde, et omnibus solemnitatibus
 • opportunis.

• Item quod dominus Azo Vicecomes civitatis Mediolani et
 • ejus dominus, domini Obizo et Nicolaus marchiones Estenses,
 • civitatum Ferrarie et Mutine domini generales, dominus Loysius
 • de Gonzaga et filii civitatum Mantue et Regii domini, dominus